

"মিষ্টি বাচ্চারা , মনসা -বাচা -কর্মনার দ্বারা কাউকে কখনও দুঃখ দিও না , কখনও কারও ওপর রাগ করোনা , ভালবাসা অতি মধুর এক জিনিস যা দিয়ে তুমি যে -কোনও কাউকে বশ করতে পারো ।"

প্রশ্নঃ -বাবা বাচ্চাদের বিশ্বের দ্বিমুকুটধারী মালিক বা সর্বশ্রেষ্ঠ হওয়ার জন্য কোন উপায়ের কথা বলেছেন ?

উত্তরঃ -দৈবীগুণ ধারণ করে অতিশয় মধুর হও । পরস্পর পরস্পরকে ভ্রাতৃত্বের অথবা ভ্রাতা-ভগিনীর দৃষ্টিতে দেখ । নিজের পুরুষার্থ দ্বারা নিজেকে রাজটীকা লাগাও । ২) স্বয়ং ঈশ্বর , বাবা তোমাদের পড়াচ্ছেন সেইজন্য নিয়মিত পড়ার অভ্যাস করো , যত পড়বে , পড়াবে , নিজের সংস্কারও ততটাই শ্রেষ্ঠ হবে ।

ওম্ শান্তি । মিষ্টি -মিষ্টি হারানিধি বাচ্চারা জেনেছে আমরা এখন নরকের শেষ প্রান্তকে পিছনে ফেলে সামনে এগিয়ে চলেছি , মাকের এই পুরুষোত্তম সঙ্গমযুগ একেবারে আলাদা । মাঝ দরিয়ায় ভাসছে তোমাদের তরী । এখন না তোমরা সত্যযুগীয় আর না -ই তোমরা কলিযুগীয় । তোমরা হ'লে পুরুষোত্তম সঙ্গমযুগীয় সর্বোত্তম ব্রাহ্মণ । ব্রাহ্মণদের জন্যই এই সঙ্গমযুগ । ব্রাহ্মণ হলো উচ্চ শিখর । ব্রাহ্মণদের এই যুগ খুব ছোট । এ হ'লো এক জন্মের যুগ ; তোমাদের খুশি থাকার যুগ । কিন্তু এই খুশি কিসের জন্য ? ভগবান আমাদের পড়ান । তাই -তো এই পড়ুয়ারা কত খুশি থাকে । সারা চক্রের জ্ঞান এখন তোমাদের বুদ্ধিতে । তোমরা বুঝতে পারছ আমরা হলাম সেই ব্রাহ্মণ যারা পরে আবারও দেবতা হবে । প্রথমে নিজের ঘর , সুইট হোমে যাব এবং সেখান থেকে ঘুরে নতুন দুনিয়ায় আসব । আমরা ব্রাহ্মণরাই স্ব-দর্শন চক্রধারী । আমরা ডিগবাজির খেলা খেলি । এই বিরাট রূপ তোমরা ব্রাহ্মণ বাচ্চারাই জেনেছ - বুদ্ধিতে সারাদিন এই বিষয়ের স্মরণই করতে হবে । এই হ'লো তোমাদের অতি আনন্দদায়ক পরিবার , তোমাদের প্রত্যেককে অতীব প্রীতিপূর্ণ হতে হবে । বাবা নিজে মধুময় ব'লে বাচ্চাদেরও সেরকমই মাধুর্যে পরিপূর্ণ করে তোলেন । কখনও কারোর ওপরে রাগ করা সমীচীন নয় । তোমাদের মনসা -বাচা -কর্মনায় কেউ যেন দুঃখ না পায় । বাবা কাউকে কখনও দুঃখ দেন না , বাবাকে যত স্মরণ করবে নিজেরা ততই অতি সুন্দর হয়ে উঠতে পারবে । ব্যস্ ! শুধুমাত্র এই স্মরণেই হৃদের সীমানা পার হয়ে যাবে - এই হ'লো স্মরণের যাত্রা । স্মরণের পথে চলতে চলতে শান্তিধাম হয়ে সুখধামে যেতে হবে । বাবা এসেছেনই বাচ্চাদের সর্বদা সুখী হওয়ার চাবিকাঠি দিতে । ভূত দূর করার অর্থাৎ বিকার দূর করার উপায় বলতে এসেছেন বাবা - "আমাকে স্মরণ করলে এই বিকারের ভূত বেরিয়ে যাবে । কারও মধ্যে যদি বিকাররূপী ভূত থাকে , আমার কাছে

ছেড়ে যাও । তোমরা তো বলেও আসছ 'বাবা আমাদের সকল অপগুণ বিনষ্ট করে পতিত থেকে পবিত্র বানাও' ।" তবে ! বাবা কত সুন্দর সুগন্ধি ফুল তৈরী করছেন ! বাবা আর দাদা দু'জনে মিলে তোমাদের-বাচ্চাদের শৃঙ্গার করেন । লৌকিক বাবা হলো হদের আর ইনি হলেন বেহদের বাবা । সুতরাং বাচ্চাদের অতীব ভালবাসায় পরিপূর্ণ হয়ে চলতে হবে আর চালাতে হবে । সমস্ত বিকার দান করে দিতে হবে । দে দান তো ছুটে গ্রহণ অর্থাৎ বিকারের মতো মস্ত অপগুণ বাবার কাছে অর্পণ করে দিলে দোষমুক্ত হতে পারবে । এর মধ্যে কোনরকম ছল নেই । ভালবাসা দিয়ে তোমরা যে কোনও কাউকে বশ করতে পার । প্রেমপূর্বক বোঝাতে হবে , প্রেম এক অতি সুন্দর আর পবিত্র বোধ, যা অন্যকে মুক্ত করে । বাঘ , হাতি প্রভৃতি জানোয়ারকে মানুষ ভালবাসা দিয়ে বশ করতে পারছে আর তারা আসুরিক হলেও তবু তো মানুষ , তোমরা তো এখন দেবতা হতে চলেছ । সুতরাং দৈবীগুণ ধারণ করে অতিশয় মধুরতায় নিজেদের ভরিয়ে তুলতে হবে । তোমরা পরস্পর পরস্পরকে ভ্রাতৃত্বপূর্ণ বা ভ্রাতা-ভগিনীরূপের দৃষ্টিতে দেখ । আত্মা , আত্মাকে দুঃখ দিতে পারেনা । বাবা বলেন - "মিষ্টি বাচ্চারা , আমি তোমাদের রাজ্যভাগ্য দিতে এসেছি । তোমাদের এখন যা চাই তা আমার থেকে নিয়ে নাও । আমি তো তোমাদের বিশ্বের দ্বিমুকুটধারী মালিক বানাতে এসেছি , কিন্তু পরিশ্রম তোমাদের করতে হবে , আমি কারও মাথার ওপর মুকুট রাখব না , পুরুষার্থের দ্বারা তোমরা নিজেরা নিজেদের রাজতিলক ঐকে দেবে ।" বাবা পুরুষার্থের উপায় বলে দেন যে এইভাবে -এইভাবে করলে নিজেকে বিশ্বের মালিক, দ্বিমুকুটধারী বানাতে পারবে । পাঠ্যভ্যাসে পুরোপুরি মনোযোগ দাও , কখনও এই পড়া ছেড়োনা । ঈশ্বরীয় বিশ্ববিদ্যালয়ের পড়ুয়া তোমরা , বেহদের বাবা স্বয়ং ঈশ্বরের কাছে তোমরা পড়ছ । পড়ে পূজ্য দেবতা তৈরী হচ্ছ । সেইজন্য স্টুডেন্টকেও নিয়মাধীন হতে হবে , স্টুডেন্ট লাইফ ইস্ দি বেস্ট অর্থাৎ ছাত্রজীবন হলো সবচেয়ে ভালো । যত পড়বে , পড়াবে আর সংস্কার শোধন করবে ততই অতি উত্তম হতে পারবে । মিষ্টি বাচ্চারা , এবারে তোমাদের ফেরার সময় , যেমন সত্যযুগ থেকে শুরু করে ক্রমান্বয়ে ত্রেতা , দ্বাপর , কলিযুগ পর্যন্ত নীচে নেমে এসেছ ঠিক তেমনই তোমাদের এখন লৌহযুগ (আয়রন এজ) থেকে উপরে স্বর্ণযুগ (গোল্ডেন এজ) পর্যন্ত যেতে হবে । যখন সিলভার এজ পর্যন্ত পৌঁছবে তখন আবার এই কর্মেন্দ্রিয়ের চঞ্চলতা শেষ হয়ে যাবে সেইজন্য যত বাবাকে স্মরণ করবে ততই তোমাদের , আত্মাদের থেকে রজো, তমঃ-র জং পরিষ্কার হয়ে যাবে এবং জং যত পরিষ্কার হবে ততই বাবা-চুস্বকের প্রতি আকর্ষণ বাড়তে থাকবে । আকর্ষণ না হলে বুঝতে হবে আত্মায় জং লেগে আছে ; জং একেবারে নির্মূল হয়ে তোমরা খাঁটি সোনায়ে পরিণত হবে , এবং তা' হবে তখন অন্তিম কর্মাতীত অবস্থা । মিষ্টি বাচ্চাদের সারবস্তু বাবা বুঝিয়ে দেন , বলেন - "দেহী-অভিমানী হও , দেহ সম্বন্ধীয় সকল সম্পর্ক ভুলে মামেকম্ ইয়াদ করো অর্থাৎ আমাকে স্মরণ করো , পবিত্র তো অবশ্যই হতে হবে ।" কুমারী যখন পবিত্র থাকে সকলে তাকে বিবাহ করার জন্য চাপ সৃষ্টি করে , বিবাহ হলে সে পূজারীর মতো সকলের কাছে মাথা নত করে থাকে । কন্যা যখন পিতার ঘরে থাকে তখন এত বেশী সম্বন্ধ মনে আসেনা । বিবাহের পরে দেহ-সম্বন্ধও বাড়তে থাকে আর স্বামী সন্তানের প্রতি মোহও বাড়তে থাকে । স্বশুর-শাশুড়ী ইত্যাদি সব সম্পর্ক মনে আনাগোনা করে । প্রথমে শুধু মা -বাবার প্রতি মোহ থাকে । এখানে এসে আবার

বাবার এবং স্বামীর ঘরের সেইসব সম্বন্ধ ভুলতে হয় , কেননা তোমাদের সত্যকার মাতা-পিতা তো আছেন । এই হলো ঈশ্বরীয় সম্বন্ধ । সর্বদাই তো গানের কলিতে সুর তুলছ স্বমেব মাতা পিতা স্বমেব - তুমিই মাতা, পিতা তুমিও ...এই মাতা-পিতা তো তোমাদের বিশ্বের মালিক বানিয়ে দেন এইজন্য বাবা বলেন , "আমি বেহদের বাবাকে নিরন্তর স্মরণ করো আর কোনও দেহধারীর সাথে মমত্ব রেখোনা ।" বেহদের এই বাবা তোমাদের স্বর্গে নিয়ে যান , এই রকম মিষ্টি বাবাকে আন্তরিক ভালবাসায় স্মরণ করো আর স্বদর্শন চক্ৰ ঘোরাতে থাক । স্মরণের এই বল দ্বারাই তোমরা আত্মারা সোনা হয়ে অর্থাৎ পবিত্র হয়ে স্বর্গের মালিক হবে । স্বর্গের নাম শুনেই মন খুশিতে নেচে ওঠে । যারা নিরন্তর স্মরণ করে আর অন্যদেরও করায় সেই তারাই উচ্চ পদের অধিকারী হয় । এইরকম পুরুষার্থ করতে করতে অস্তিমে তোমাদের সেই অবস্থা স্থিত হবে । এই দুনিয়াও পুরনো , আর দেহও পুরনো ; দেহ সম্বন্ধীয় সব সম্বন্ধও পুরনো , এই সমস্ত কিছুর থেকে বুদ্ধিযোগ সরিয়ে এক বাবার সাথে জুড়তে হবে , যা অস্তিমসময়ে সেই এক বাবাই স্মরণ থাকে , অন্য কারও সম্বন্ধ স্মরণে থাকলে অস্তিমে পৌঁছে তখন সে -ই স্মরণে আসবে এবং পদব্রষ্ট হয়ে যাবে । অস্তিমে যার বেহদের বাবার স্মরণ থাকবে সেই নর থেকে নারায়ণ হবে । বাবার স্মরণ করলে শিবালয়ের দূরত্ব কমে আসে । মিষ্টি মিষ্টি হারানিধি বাচ্চারা বেহদের বাবার কাছে আসে রিফ্রেশ হওয়ার জন্য কেননা বাচ্চারা জানে বেহদের বাবার থেকে অসীম বিশ্বের বাদশাহী পাওয়া যায় , এই কথা কখনও ভুলে গেলে চলবেনা । তিনি সর্বদা স্মরণে থাকলে বাচ্চাদের মনে অপার খুশি থাকে । এই ব্যাজ চলতে ফিরতে , মুহূর্মুহু দেখ , হৃদয়ের সাথে জুড়ে নাও । আহা ! ভগবানের শ্রীমতে আমরা এই লক্ষ্মী-নারায়ণ হয়ে উঠছি । ব্যাস , শুধু ব্যাজ দেখে দেখে এঁদের ভালবাসতে শেখ । বাবা -বাবা করতে থাকলে তবে সর্বদা স্মৃতি উজ্জ্বল হয়ে থাকবে । আমরা বাবার দ্বারা লক্ষ্মী-নারায়ণ হই । মিষ্টি বাচ্চাদের বিশাল বুদ্ধি হওয়া চাই । সারাদিন সেবারই চিন্তা ভাবনা চলতে থাকে । বাবা সেইরকম বাচ্চাই পছন্দ করেন যারা সার্ভিস ছাড়া সময় কাটানোর কথা ভাবতেই পারেনা । তোমাদের বাচ্চাদের সারা বিশ্বে জ্ঞান-গঙ্গা বইয়ে দিতে হবে এবং পতিত দুনিয়াকে পবিত্র বানাতে হবে । সারা বিশ্বকে দুঃখধাম থেকে সুখধামে পরিণত করতে হবে । টিচারেরও পড়াতে কত আনন্দ হবে । তোমরা তো এখন অনেক উচ্চমানের টিচার হয়েছ । টিচার খুব ভালো হলে তিনি অন্যকেও নিজের সমান তৈরী করে নিতে চেষ্টা করেন । কখনও পরিশ্রান্ত হননা । ঈশ্বরীয় সেবায় খুব খুশি থাকে । বাবার সহায়তা পাওয়া যায় । এ হলো বেহদের বড়রকমের ব্যাপার , ব্যাপারী লোকেরাই ধনবান হয় । তারা এই জ্ঞানমার্গেও অতি আগ্রহী হয় । বাবা বেহদেরই তো ব্যাপারী ! সওদা অতি উচ্চমানের কিন্তু এতে অনেক সাহস ধারণ করতে হয় । নতুন -নতুন বাচ্চারা পুরনোদের থেকেও পুরুষার্থে এগিয়ে যেতে পারে । প্রত্যেকের ব্যক্তিগত ভাগ্য যখন , তখন তো পুরুষার্থও ব্যক্তিগতভাবে আলাদা আলাদা করতে হবে , পূর্ণমাত্রায় নিজের চেকিং করতে হবে । এইভাবে চেকিং করায় সমর্থ আত্মারা রাতদিন পুরুষার্থ করতে নিজেদের ব্যস্ত রাখে , বলবে সময় কেন নষ্ট হতে দেব ! যতটা সম্ভব সময়কে নিরাপদ করে তুলতে হয় । নিজের কাছে কঠিন প্রতিজ্ঞা করে আমরা বাবাকে কখনও ভুলব না , স্কলারশিপসহ পাশ করবই । এই ধরনের বাচ্চারা বাবার থেকে সাহায্যও পায় অর্থাৎ বাবার স্নেহ -সান্নিধ্যে থাকে । এই রকম নতুন

নতুন পুরুষাৰ্থী বাচ্চাদের তোমরা দেখবে , সাক্ষাত্কার হতে থাকবে । যেমন শুরুতে হয়েছিল তাই আবার পরেও দেখবে , ঘরে ফেরার সময় যত নিকটবর্তী হতে থাকবে খুশিতে ততই নাচতে থাকবে। পাশাপাশি ওদিকে খুনখারাপির বিধ্বংসী খেলাও চলতে থাকবে । তোমাদের বাচ্চাদের ঈশ্বরীয় প্রতিযোগিতা চলছে , যত সামনের দিকে অগ্রসর হওয়া যাবে ততই নতুন দুনিয়ার দৃশ্য কাছে আসতে থাকবে , খুশি বাড়তে থাকবে , যার কাছে নতুন দুনিয়ার দৃশ্য সামনে আসবেনা তার খুশিও হবেনা । এখন তো কলিযুগিয় দুনিয়ার সাথে বৈরাগ্য আর সত্যযুগিয় নতুন দুনিয়ার সাথে প্রীতিপূর্ণ ভাব গড়ে ওঠা উচিত । শিববাবা স্মরণে থাকলে স্বর্গের রাজ্য অধিকারও স্মরণে থাকবে । আবার স্বর্গের অধিকার মনে থাকলে শিববাবাও স্মরণ থাকবে । তোমরা বাচ্চারা জেনেছ এখন আমরা স্বর্গের দিকে চলেছি , পা নরকের দিকে আর মাথা রয়েছে স্বর্গের দিকে । এখন ছোট বড় সকলের বাণপ্রস্থ অবস্থা বাবার ( ব্রহ্মাবাবার ) সবসময় এই নেশা থাকে ওহো ! আমরা স্বর্গে এইরকম বাল-কৃষ্ণ হব , যাঁকে সময়ের পূর্বেই উপহারও পাঠিয়ে দেন । যাদের সন্দেহাতীতভাবে নিশ্চয় থাকে সেই গোপিনীরা উপহার পাঠায় , তাদের অতীন্দ্রিয় সুখের অনুভব হয় । আমরাই অমরলোকে দেবতা হই । কল্প পূর্বেও আমরাই হয়েছিলাম , তারপর আবারও ৮৪ জন্মের চক্র সম্পূর্ণ করি । এই বাজোলি অর্থাৎ ডিগবাজির মতো আমরা যে চক্রাকারে আবর্তন করে চলেছি তা স্মরণে থাকলে তা আমাদের পরম সৌভাগ্য - সদা অপার খুশিতে থাকব । অনেক বড় লটারি পাওয়া যাচ্ছে । পাঁচ হাজার বছর পূর্বেও আমরা রাজ্যভাগ্য পেয়েছিলাম আগামী সময়ে আবারও পাব , বিশ্ব-নাটকে লিপিবদ্ধ আছে । যেরকম কল্প পূর্বেও জন্ম নিয়েছিলাম সেইভাবেই নেব , ওখানে আমাদের মাতা -পিতা থাকবেন । যিনি কৃষ্ণের বাবা ছিলেন তিনিই আবারও কৃষ্ণের পিতা হবেন । এইভাবে যে সারাদিন বিচার মন্ডন করবে সে খুব রমণীয় হবে , বিচার মন্ডন না করলে সবই অসমাপ্ত থেকে যাবে । আচ্ছা !

মিষ্টি -মিষ্টি হারানিধি /সিকিলধে বাচ্চাদের প্রতি মাতাপিতা , বাপদাদার স্মরণ -স্নেহ আর সুপ্রভাতা রুহানি বাবার ( পরমাত্মা পরমপিতা ) রুহানি বাচ্চাদের ( আত্মাদের ) নমস্কার ।

ধারণার জন্য মুখ্য সার :-

১) ঈশ্বরীয় সেবা কাজ করতে কখনও শ্রান্ত হয়োনা , ভালো টিচার হয়ে নিজসমান তৈরী করার সেবা করতে হবে ।

২) স্মরণের বল দ্বারা আত্মাকে খাঁটি সোনা় পরিবর্তিত করতে হবে , কোনও দেহধারীর প্রতি মমত্ববোধ রাখা ঠিক নয় ।

বরদান :- কম কথায় জ্ঞানের সর্ব রহস্য ব্যক্ত করতে সমর্থ , যথার্থ আর শক্তিশালী ভব

কোনও জিনিস যত অধিক শক্তিশালী হয় ততই তা'সংখ্যায় কম হয় । এইরকমই যখন তুমি নিজের নির্বাণ স্থিতিতে স্থিত হয়ে বাণী শোনাতে তখন শব্দের সংখ্যা কমে আসবে কিন্তু যথার্থ আর শক্তিশালী হবে । একটা শব্দের মধ্যেই হাজার হাজার শব্দের রহস্য সমাহিত হয়ে আছে , যার দ্বারা ব্যর্থ বাণী স্বয়ংক্রিয়ভাবে (অটোমেটিক্যালি) সমাপ্ত হয়ে যাবে । এক শব্দের দ্বারা জ্ঞানের সব রহস্য স্পষ্ট করলে , বিস্তার সমাপ্ত হয়ে যাবে ।

স্লোগান :- অন্তর থেকে বাবা বলা অর্থাৎ খুশি আর শক্তির প্রাপ্তি ।